

## **AMATEGEKO AGENGA ABANYESHURI MUTOVU TSS'**

*Mu rwego rwo kwita ku banyeshuri no kugirango habeho ishuri ntangarugero ryubahiriza amategeko n'amabwiriza ya Minisiteri ifite uburezi mu nshingano zayo; itegeko rigenga abanyeshuri ryashyizweho kandi umunyeshuri wese wiga mu ishuri rya MUTOVU tss` agomba kuryubahiriza kugirango hagumeho gusigasira uburezi bufite ireme.*

### **1.IMYITWARIRE**

Umwambaro w'ishuri ku bahungu no ku bakobwa ni ishata y'umweru y'amaboko magufi ,ipantaro ku bahungu n'ijipo ku bakobwa by'ibara rya kaki n'umupira wo kwifubika nawo ufite ibara ry'icyatsi kibisi ku bahungu no ku bakobwa, t-shirt y'umutuku uriho ibirango bya Mutovu tss isimburana n'ishata mu gihe cyumvikanweho hiyongeraho umupira w'umukara(jampa) ukoreshe mu gihe cya nijoro ari kwiga gusa ..

**INGINGO YA 1 :** umunyeshuri uzafatwa atambaye impuzankano y'ishuri azamburwa ibyo yambaye, ni biba inshuro nyishi hatumizwe umubyeyi .

**INGINGO YA 2 :** umunyeshuri wese agomba kugira aho akora isuku kandi akayikora neza ubirenzeho azahanishwa gukurwaho amanota 3 mu myitwarire.

**INGINGO YA 3 :** Umunyeshuri agomba kwambara yatebeje ishata : **ityo abirenzeho ahanishwa gukurwaho amanota 2 mu myitwarire,ubwa kabiri umunyeshuri azakurwaho amanota 10 naho nibiba ubwa gatatu umunyeshuri azatumwa umubyeyi.**

**INGINGO YA 4 :** Nta kindi kintu cyemewe kwambarwa hejuru y' umwambaro w'ishuri : ingofero,impeta,imikufi,amaherena,ibikomo n'ibindi.**Umunyeshuri ubirenzeho azahanishwa gutakaza amanota 5 akanamburwa ibyo bintu burundu.**

**INGINGO YA 5:** Nta munyeshuri wemerewe gutereka umusatsi,ubwanwa, kogosha ingohe,zero faute ku bafite ubwanwa,gusiga inzara. Uzabirengaho azahanishwa :

**Ubwambere :** gutakaza amanota 5 mu myitwarire akanabikuraho

**Ubwa kabiri :** gutumwa umubyeyi cyangwa umurera.

**INGINGO YA 6 :** Umwambaro w'ishuri ufite model yawo ,ntibyemewe kuwuhindura mu buryo ubwo ari bwo bwose nko kuwugabanya,kuwushyiraho pasura n'ibindi .**Ubirenzeho azahanishwa gutakaza anota 5 mu myitwarire nyuma akagura undi mwambaro usimbura uwo yahinduye.**

**INGINGO YA 8 :** Nta munyeshuri wemerewe gusohoka mu kigo atabifitiye uburenganzira(uruhushya), **ufatiwe muri iryo kosa ahanishwa gutumwa umufuka wa sima, agutakaza amanota 10 mu myitwarire.**

**INGINGO YA 9 :** Iyo umunyeshuri ucumbikiwe mu kigo araye hanze nta ruhushya abifitiye,**ahanishwa kwirukanwa burundu hamaze gusesengurwa impamvu yatumye arara hanze.**

**INGINGO YA 11 :** Umunyeshuri ugize amanota ari muni y'icya kabiri cy'amanota yose y'umwaka mu myitwarire, **yirukanwa ku kigo iyo umwaka urangiye hamaze gusesengurwa impamvu zatumye abona ayo manota.**

## **2.IMYITWARIRE MURI AHO ABANYESHURI BARARA**

**INGINGO YA 12 :** Birabujijwe gusakuza muri dortoire mu masaha yo kuruhuka. Unyuranyije n'iyi ngingo ahanishwa gukurwaho amanota 5 mu myitwarire.**Insubira cyaha ihanishwa gutumwa umubyeyi no gutakaza amanota 10 mu myitwarire.**

**INGINGO YA 13 :** Birabujijwe gutunga radio mu kigo no kuyicuranga muri dortoir.**Ubirenzeho ahanishwa kuyamburwa burundu ntayisubizwe no gukurwaho amanota 5 mu myitwarire.**

**INGINGO YA 14 :** Nta munyeshuri wemerewe gutunga no gukoresha telefoni mobile mu kigo. Iyo ayifatanwe **arayamburwa burundu byaba inshuri nyinshi hagatumizwa umubyeyi.**

**INGINGO YA 15 :** Isaha yo kujya kuryama ni saa mbiri na mirongo ine nitanu( 20h45).Nyuma y'iminota 15 umunyeshuri utaragera mu buriri bwe azafatwa nk'uteza akajagari mu kigo kuko azaba ari kubuza bagenzi be gusinzira mbese 21h00 umunyeshuri wese agomba kuba yamaze kwiyorosha amashuka . **Azahanishwa gukurwaho amanota 5 mu myitwarire kandi naramuka abyongeye azatumwa umubyeyi atakaze n'amanota 10 mu myitwarire, nyuma natikosora azirukanwa burundu.**

**INGINGO YA 16 :** Birabujijwe kubika amafaranga muri dortoir cyangwa hanze y'ikigo. Amafaranga umunyeshuri yemerewe kuyabikirwa n'ikigo,uyabuze atarayabikije aricecekerera.

**INGINGO YA 17** : Umunyeshuri ugaragaweho ubujura ubwo aribwo bwose cyangwa akagerageza kwiba agahamwa n'ibimenyetso simusiga **ahanishwa kwirukanwa burundu**.Birareba kandi umunyeshuri ugaragaweho ubufatanyaga cyaha mu bujura haba mu kigo cyangwa hanze yacyo.

**INGINGO YA 18** : Isuku ni ngombwa ahantu hose,igihe icyo aricyo cyose.Ufashwe akwirakwiza umwanda ahanishwa:

**Gusukura aho yanduje no gukurwaho amanota 5 mu myitwarire.**

**INGINGO YA 19** : Umunyeshuri uwo ariwe wese asabwa kwitabira imirimo ifitiye ikigo akamaro yaba imirimo y'isuku cyangwa imirimo y'ubumenyi ngiro(pratique) kandi yambaye imyenda yabugenewe.Unyuranyije n'iyi ngingo ahanishwa

**Ubwa mbere : Gukurwaho amanota 10 mu myitwarire;**

**Ubwa kabiri : koherezwa mu rugo akaza azanye n'umurera kandi agakurwaho n'amanota 10 mu myitwarire.**

**INGINGO YA 20** : birabujijwe kwinjirana muri dortoir undi muntu uturutse hanze y'ikigo, haba mu gihe cyo gusura kizwi n'ikigo haba no mugihe kitari icyo gusura.**Umunyeshuri ubifatiwemo ahanishwa gutahana n'uwamusuye akazamugarura amaze kwihana iyo ari umu byeyi we.**Aramutse atari umubyeyi we, **umunyeshuri atumwa umubyeyi agatakaza n'amanota 10 mu myitwarire.**

**INGINGO YA 21** : Birabujijwe kubika no gutunga muri dortoir ibikoresho byahungabanyaga ubuzima cyangwa umutekano w'abandi banyeshuri(imbugita,umuhoro,...) ubifatanyaga ahanishwa :

**Kwamburwa ibyobikoresho afite burundu ,gutumwa umubyeyi, no gutakaza amanota 10 mu myitwarire,**hamburwa ku buryo bunononsoye impamvu yabimuteye hagafatwa umwanzuro ushobora no kugera ku kwirukanwa burundu mu kigo **byaba na ngombwa nyir'ukubikora agashyikirizwa inzego z'umutekano.**

**INGINGO YA 22** : Birabujijwe kujya no kurara muri dortoir utagenewe .Abakobwa baba ahabo n'abahungu ahabo.Nta muhungu cyangwa umukobwa wemerewe kujya muri dortoir atagenewe keretse uwaba abifitiye uruhushya rw'ubuyobozi.Atari ibyo ubikoze ahanishwa : **gutumwa umubyeyi kandi hamburwa impamvu yabimuteye ashobora gufatirwa umwanzuro wo kwirukanwa burundu mu kigo.** Uretse umunyeshuri ubifitiye uruhushya,nta umunyeshuri wemerewe gusigara muri dortoir.Uyifatiwemo atabifitiye uruhushya **ategekwa kuriha icyo aricyo cyose cyabuze muri dortoir igihe yari arimo.** Ahanishwa kandi **gukurwaho amanota 5**

mu myitwarire, atakwikosora hagafatanywa n'ababyeyi be kureba uburyo yakosoka kuko biba bigaragara ko adashaka no kwiga.

### **3. IMYITWARIRE MURI REFECTOIRE**

Ingingo ya 23 : birabujijwe gusangirira ku isahani imwe, kurisha intoki, **unyuranyije n'iyi ngingo ahanishwa gukurwaho amanota 5 mu myitwarire. Iyo yongeye ahanishwa gutumwa umubyeyi.**

**INGINGO YA 24 :** Kugira ikinyabupfura gike muri refectoir(kurira mu kabassin,kwimuka ukajya mu mwanya utagenewe,kwicara hejuru y'ameza n'ibindi bisa nabyo)**bihanishwa gukurwaho amanota 10 mu myitwarire. Kubisubira bihanishwa gutumwa umubyeyi .**

**INGINGO YA 25 :** Birabujijwe kurya ibiryo by'abandi cyangwa kubacura, ubifatiwemo ahanishwa : **gukurwaho amanota 10 mu myitwarire, iyo yongeye atumwa kuzana umubyeyi .**

**INGINGO YA 26 :** Birabujijwe gusohora ibyo kurya muri refectoir, ubifatiwemo ahanishwa gukurwaho amanota 5 mu myitwarire, iyo yongeye atumwa umubyeyi, byakwanga agahabwa kwiga yicumbikira.

**INGINGO YA 27 :** Nta munyeshuri wemerewe kujya mu gikoni uretse abihereye uburenganzira n'ubuyozi bw' ikigo. Ubifatiwemo ahanishwa : gukurwaho amanota 5 mu myitwarire, iyo bibaye akamenyero hatumizwa umubyeyi.

**INGINGO YA 28 :** Nta kindi kiribwa icyo aricyo cyose cyemerewe kwinjizwa mu kigo. Ibyo kurya byemewe ni ibyo ikigo cyagennye biboneka muri refectoir kandi bigafatirwa aho nyine. Nta handi hantu hemerewe gufungurirwa. Ubifatiwemo ahanishwa igihano cyo gukurwaho amanota 5 mu myitwarire. Uwakuye ibiryo hanze akabizana mu kigo cyangwa bakabimuzanira mu kigo, ahanishwa **gutakaza amanota 10 mu myitwarire iyo bibaye kenshi hatumizwa umubyeyi.**

**INGIGO YA 29 :** Isengesho rusange ni ngombwa mbere yo kurya. Usanze barangije gusenga ntampamvu agaragaza afatwa nk'uwanze ibiryo cyangwa kwivumbura ibiryo iyo bibaye akamenyero **gutakaza amanota 10 mu myitwarire iyo bibaye kenshi hatumizwa.**

#### **4.IMYITWARIRE MU ISHURI**

**INGINGO YA 31** : Birabujijwe gusohoka mu ishuri(mu masomo) udafite uruhushya rwa mwarimu. Muri etude udafite uruhushya rwa chef de classe.Ubifatiwemo **akurwaho amanota 5 mu myitwarire.**

**INGINGO YA 32** : Gusakuza mu ishuri igihe cya etude cyangwa mu masomo **bihanishwa gukurwaho amanota 5 mu myitwarire.**

**INGINGO YA 33** : Gusubiza no kubaza mwarimu, umunyeshuri azamura akaboko, umunyeshuri ugaragaje agasuzuguro ku mwarimu mu ishuri,**ahanishwa gutumwa umubyeyi.**

**Kandi agatakaza amanota 10 mu myitwarire.**

**INGINGO YA 34** : Isuzuma bumenyi ku isomo ryigishijwe rishobora gukorwa igihe cyose nta nteguza ku munyeshuri,integuza y'icyumweru iba gusa ku isuzuma rusange.Iryo suzuma rishobora kuba ryanditse(written\ecrite) cyangwa mu mvugo(oral\oral). **Umunyeshuri utarikoze ahabwa zero**

**INGINGO YA 36** : Isomo iryo ari ryo ryose riri ku ngengabihe ni itegeko kuryiga kuko rifite akamaro karyo .Uwanze kwiga isomo runaka **ahanishwa gutumwa umubyeyi cyangwa umurera nyuma yo gutakaza amanota 10 mu myitwarire.**Kub Yongera **bihanishwa kwirukanwa burundu ku ishuri hamaze gusuzumwa neza icyo nyir`ukwanga kwiga isomo yari agamije.**

**INGINGO YA 37** : Birabujijwe gukopera cyangwa kubigerageza mu masuzuma cyangwa mu bizamini.Ufashwe ahanishwa : **gubahwa 0 iyo ari isuzuma no kwirukanwa burundu ku kigo igihe ari icyizamini.**

**INGINGO YA 38** : Kubura mu isuzuma cyangwa mu kizamini nta mpamvu yumvikana bihanishwa **gubahwa 0 mu isomo wabuzemo hakiyongeraho gutumwa umubyeyi cyangwa umurera.**

**INGINGO YA 39** : Gusuzugura umurezi cyangwa undi mukozi uwo ariwe wese mu kigo bihanishwa :

**-Gukurwaho amanota 10 mu myitwarire**

**-Gutumwa umubyeyi cyangwa umurera**

**INGINGO YA 40** : Umunyeshuri wese agomba kwinjira mu ishuri iminota 5 mbere y'uko amasomo atangira,**ukererewe ahanishwa gukurwaho amanota 5 mu myitwarire.**

**INGINGO YA 41** : Kubahiriza igihe ni ngombwa, bityo kuba aho ugomba kuba mu gihe cyagenwe ni itegeko,unyuranyije n'iyi ngingo ahanishwa : **gukurwaho amanota 5 mu myitwarire. Iyo atikosoye atumwa umubyeyi agafatanya n'ikigo kumugorora.**

**INGINGO YA 42** : Kugira ikinyabupfura gicye mu ishuri(kwicara nabi,guhekenya cyangwa kuriramo bombo,biscuits,shikrettes)bihanishwa :

**-Gukurwaho amanota 5 mu myitwarire,iyo binaniranye umwana atumwa umubyeyi cyangwa umurera.**

**INGINGO YA 43** : Gukorera etude mu ishuri ritari iryawe **bihanishwa gukurwaho amanota 5 mu myitwarire.**

## **5.IMYITWARIRE NYUMA Y'AMASOMO,IMIKINO,IMIRIMO RUSANGE Y'IKIGO**

**INGINGO YA 43** : Nyuma y'amasomo no gufungura ni umwanya wa sport.Nta munyeshuri wemererwa gukorera sport hanze y'ikigo atabifitiye uruhushya.**Ubirenzeho akurwaho amanota 10 akanatumwa umubyeyi.**

**INGINGO YA 44** : Abakina umukino wa karate bawukinira mu kigo,haboneka umuntu akaba yaza kwigisha abanyeshuri bakina uwo mukino ariko abanje kubyakira uruhushya.Nta muntu wundi utari umunyeshuri wemerewe gukinira karate mu kigo atabifitiye uruhushya.Umunyeshuri winjije mu kigo undi muntu atabifitiye uruhushya ,ahanishwa :

**-gukurwaho amanota 10 mu myitwarire kandi agatumwa umubyeyi cyangwa umurera.**

**INGINGO YA 45** : Mu gihe cya sport umunyeshuri agomba kuba yambaye imyenda ya sport ndetse n'inkweto za sport.**Unyuranyije n'iyi ngingo ahanishwa gukurwaho amanota 2 mu myitwarire.**Uzanye muri sport inkweto zo gukarabana azamburwa burundu.

**INGINGO YA 46 :** Ubusambanyi ku ishuri burabujijwe.**Ubufatiwemo ahanishwa kwirukanwa burundu.**

**INGINGO YA 47 :** Umunyeshuri uvuye mu ruhushya rwamwemereraga kurara,amenyekanisha ko agarutse ku ishinze discipline,utabikoze afatwa nk'ututbahirije igihe yahawe bityo agatumwa umubyeyi akaza gusobanura igihe yohereje umwana agaruka ku ishuri. Iyo asanze hari amasuzumwa yakozwe,asabwa guhita amenyesha umwarimu w'isomo ryakorewe isuzuma mu gihe kitarenze iminsi 2 akigaruka; **ityo atabikoze,ahabwa 0 muri iryo suzuma.**

**INGINGO YA 48 :** Umunyeshuri wari uri muri weekend,uwagiye kuzana umubyeyi,**ahabwa 0 mu ma suzuma yakozwe muri icyo gihe atari ahari.**

**INGINGO YA 49** Gusubira mu masomo bikorerwa mu nyubako zigenwa n'ikigo, ufatiwe aho atagomba kuba ari muri icyo gihe ahanishwa **gukurwaho amanota 5 mu myitwarire**,ariko bitewe n'aho asanzwe muri uwo mwanya n'impamvu yabimuteye ashobora **gutumwa umubyeyi akanatakaza amanota 10 mu myitwarire**.Abanyeshuri bafatiwe ahihishe mu bikunze kwitwa gufunga inguni bahanishwa **gutumwa ababyeyi,bagakurwaho amanota 10 mu myitwarire**

## **6. IMIBANIRE**

**INGINGO YA 50 :** Birabujijwe kujya mu macumbi y'abarimu ndetse n'ay'abaturage basanzwe mu buryo butazwi n'abayobozi b'ikigo.**Umunyeshuri ubirenzeho ahanishwa gutumwa umubyeyi cyangwa umurera,no gukurwaho amanota 10 mu myitwarire.**

**INGINGO YA 51:** Umunyeshuri ufashwe akora udutsiko cyangwa imitwe igamije ikibi,umunyeshuri uzana umwuka mubi mu kigo,amacakubiri,imyigaragambyo. **Ufatiwe muri icyo myitwarire mibi ahanishwa kwirukanwa burundu no gushyikirizwa inzego z'umutekano.**

**INGINGO YA 52 :** Umunyeshuri ugerageje gukubita mugenzi we cyangwa ukubise umuyobozi ndetse n'undi mukozi uwo ariwe wese ukorera mu kigo ndetse no hanze y'ikigo **azirukanwa burundu muri E.S MUTOVU.**

## **7.GUKORESHA NO GUCUNGA NEZA IBIKORESHO BY'ISHURI N'IBYA MUGENZI WAWU**

**INGINGO YA 53** : Kwangiza nkana ibikoresho n'umutungo w'ikigo bihanishwa :

-Gutumwa umubyeyi

-Kwishyura ibyangijwe no **gutakaza amanota 10 mu myitwarire ndetse bishobora no kugeza ku kwirukanwa burundu bimaze gusuzumwa** hagati y'ababyeyi n'ubuyobozi bw'ikigo. -Iyobigaragaye ko yabikoze harimo ubugome, nyuma yo kubyigaho neza, **ubuyobozi bw'ikigo bushobora gufata icyemezo cyo gusezerera umunyeshuri ku kigo burundu byaba na ngombwa agashyikirizwa inzego z'umutekano.**

**INGINGO YA 54** : Umunyeshuri wangije cyangwa usaruye imyaka y'ikigo nta ruhushya azatumwa **umubyeyi cyangwa umurera**,acibwe amande yo kwishyura ibyo yangije atakaze n'amanota 10 mu myitwarire.

**INGINGO YA 55** : Gutakaza, kurigisa no gukoresha nabi ibikoresho by'ikigo bihawe umunyeshuri cyangwa itsinda ry'abanyeshuri ngo bibafashe mu myigire cyangwa mu mirimo y'amaboko,**bihanishwa kubyishyura.**

**INGINGO YA 56** : Gutakaza no kwangiza ibitabo bitizwa abanyeshuri bihanishwa **kubyishyura(kubigura bigasubizwa).**

## **8. IBINDI**

### **A.INZOGA,ITABI N'IBIYOBWENGE**

**INGINGO YA 59** : Ibinyobwa bisindisha n'itabi ntibyemewe ku ishuri.Kubyinjiza mu kigo no kubihanywera birahanirwa.Umunyeshuri ufashwe afite,anywa cyangwa acuruza itabi n'ibindi bisindisha ahanishwa **koherewe iwabo akamara icyumweru nyuma yo gukurwaho amanota 10 mu myitwarire,akazagaruka azanye n'umubyeyi cyangwa umurera**

**INGINGO YA 60** : URUMOGI ,COCAINE,KANYANGA,COLE,MUGO N'IBINDI BIYOBWENGE birabujijwe ku ishuri no hanze y'ishuri.Ufashwe anywa,acuruza,kimwe muri ibi biyobyabwenge ahanishwa **kwirukanwa burundu,nyuma agashyikirizwa inzego z'umutekano.**



## **B. IBYAHA BY`ISONI NKE**

**INGINGO YA 62** : Kwituma no kwihagarika aho ubonye ni icyaha cy`isoni nke. **Ufashwe** abikora asukura aho yanduje kandi agatumwa akadobo ka omo, **agakurwaho amanota 10 mu myitwarire, agatumwa umubyeyi cyangwa umurera.**

## **C. INYANDIKO MPIMBANO**

**Ingingo ya 63** : Ikoresha ry`inyandiko mpimbano ni icyaha gihanwa n`amategeko ya Leta y`u Rwanda. Umunyeshuri ufashwe akoresha izo nyandiko arabihanirwa:

-Umunyeshuri ufashwe akoresha uruhushya yihimbiye cyangwa se uwihimbiye ikarita ya discipline, ahanishwa gutumwa umubyeyi cyangwa umurera , **agakurwaho amanota 10 mu myitwarire,**

-Umunyeshuri ufashwe akoresha indangamanota mpimbano, ikarita y`ishuri , impapuro zishyuriweho kuri Banki mpimbano, **ahanishwa kwirukanwa burundu.**

## **D. GUTWITA WIGA**

**INGINGO YA 64** : Ubuzima bw`umubyeyi utwite busaba kwitabwaho by`umwihariko. Nta munyeshuri utwite wemerewe kwiga acumbikiwe mu kigo kuko aba akeneye kwitabwaho by`umwihariko. Utahuweho ko atwite yitabwaho n`umuryango we cyangwa umurera. Yoherezwa iwabo, akazagaruka kwiga nyuma yo kubyara umwana amaze gukura.

## **E. GUSURA NO GUSURWA**

**INGINGO YA 65** : Umunsi wo gusura ni buri mpera za buri cyumweru (weekend) , gusurwa bitangira saa yine (10h00) bikarangira saa kumi (16h00). Umunyeshuri usuwe mbere y`icyo gihe kandi bigakorwa rwihishwa **atahana n`uwamusuye iyo ari umubyeyi we,** akazagaruka ku ishuri nyuma y`iminsi 2 bamaze kuganira no gukosora ikosa bakoze. **Iyo Atari umubyeyi we, umwana atumwa umubyeyi bukeye agafatanya n`ikigo kugorora umwana.**

**INGINGO YA 66** : Kuganirira n`uwagusuye inyuma y`imbibi z`ikigo ntibyemewe. Ubirenzeho ahanishwa gukurwaho amanota 10 mu myitwarire no gutumwa umubyeyi igihe atari umubyeyi cyangwa urera umunyeshuri wamusuye.

**INGINGO YA 68:** Nta munyeshuri wemerewe gusohoka no kugaruka mu kigo haba mu gihe cy'amasomo, aya cyangwa ajya mu biruhuko atambaye umwambaro w'ishuri. Ufatiwe muri iryo kosa, ahanishwa **gukurwaho amanota 10 mu myitwarire. Insubira ihanishwa gutumwa umubyeyi.**

Umunyeshuri ufatiwe mu nzu z'uburiro (restaurants) mu tubari cyangwa se ahandi hakemangwa ahanishwa :

**-Gutumwa umubyeyi cyangwa umurera**

**-gutakaza amanota 10 mu myitwarire**

**-Insubira cyaha ihanishwa kwiga aba hanze y'ikigo mu gihe cy'umwaka wose.**

**INGINGO YA 69 :** Abanyeshuri bahagarariye abandi bagomba gufatwa na bagenzi babo nk'abayobozi. Umunyeshuri ubasuzuguye haba mu mashuri cyangwa se mu bindi bikorwa bitandukanye biri mu nshingano zabo,, ahanishwa **ingingo ya 39.**

**N.B :** - Iyo bibaye ngombwa ko abanyeshuri bajya gusenga hanze y'ikigo, bese basohokera rimwe kandi bagatahira rimwe (ntibemerewe gusohoka cyangwa gutaha urusorongo) kandi bagomba kuba baherekejwe n'umwe mu bashinzwe imyitwarire. **Umunyeshuri ucikira hanze y'ikigo yajyanye n'abandi, atumwa umubyeyi kandi agakurwaho n'amanota 10 mu myitwarire.**

-Abanyeshuri biga bataba mu kigo (externes) ntibemerewe kurenza isaha ya saa kumi n'ebiri z'umugoroba bakiri mu kigo, ntawemerewe kandi no kuva hanze mu gihe cy'ayo masaha ngo aze mu kigo

**ANDI MATEGEKO**

**(ingingo ya 70)**

Kirazira kugaragaza ingengabitekerezo ya genocide haba mu magambo ,mu bikorwa , mu myifatire,ndetse n’indi myitwarire mibi iganisha k’umacakubiri mu banyeshuri .

**-Ufashwe yirukanwa burundu byaba ngombwa agashyikiriza ubugenzacyaha (RIB)**

**(Ingingo 71)**

Kirazira kwiyitirira umuyobozi runaka ugamije inyungu zawe , kubeshya ababyeyi ko ubuyobozi bw’ishuri bwagutumye kandi butagutumye , kubangamira bagenzi bawe witwaje icyo uri cyo cyangwa umwaka wigamo urugero nko kunyuzura abana bashya , kugurisha umutungo w’ishuri cyangwa kuwukodesha ndetse n’indi myitwarire igamije inyungu ku giti cyawe ukoresheje umutungo w’ishuri cyangwa ibinyoma

**-Gutumiza umubyeyi agatwara umwana mugihe kingana n’icyumweru kandi agakurwaho amanita 10 y’imyitwarire**

**(Ingingo 72)**

Kirazira kwandika kunkuta z’ishuri , ku ntebe , ku meza ku tubati muri dortoire , kuvuna intebe kubushake, kwicara kumeza guca mu madirisha n’indi mirimo yose igayitse.

**-Ufashwe ategetwe kuriha no gusana icyangiritse icyo aricyo cyose**

**Bikorewe i Muganza, kuwa 24 /10/ 2024**

**Umuyobozi wa Mutovu TSS**

**Eugène MURERA.**